

LANGABEZIA. Hazkundera egonkortzen ari dela aurreikusi du

ELAk dio EAeko benetako langabezia tasa %9,5ekoa dela, eta ez %8,4koa

Neurtzeko sistema berriak 11.600 langabe «ezkutatu» dituela dio

Erredakzioa | **DONOSTIA**

Urteko aurreneko hiruhilekoan Arabako, Bizkaiko eta Gipuzkoako ekonomiak izandako bilakaeraren azterketa egin du ELA. Langabezia neurtzeko sistema aldatu izan ez balitz, urtariletik martxora bitarteko langabezia tasa %9,5ekoa izango litzakeela ondorioztatu du sindikatuak, eta langabeen kopurua 92.600ekoa izango litzakeela.

Egungo estatistika ofizialen arabera, Arabako, Bizkaiko eta Gipuzkoako langabezia tasa %8,4koa da, eta 81.000 mila lagun daude lanik gabe. Horren bestez, «11.600 langabe ezkutatu ditu sistema berriak», ELAren arabera.

Sindikatuaren ikerketaren arabera, EAeko aktibitate tasa %67,4ko izan da urteko aurreneko hiruhilekoan, urritik azarora bitartean izandakoa baino %1,5 handiagoa. Okupatutako lagunak 878.900 izan ziren, 2001eko azken hilabeteetan baino 14.100 gehiago. Horieta-rik soldata jasotzen zutenak 707.700 ziren, aurreko hiruhilekoan baino 11.900 gehiago. Baina soldatarik gabe aritu zirenen kopuruak ere gora egin du, 2.200 lagunetan, hain justu.

Gazteen langabeziak ere gora egin du Araban, Bizkaian eta Gipuzkoan urtariletik martxora bitartean, ELAren txostenaren arabera. Langabeen %21,3 gazteak ziren hiruhileko horretan, 2001eko azken hilabeteetan baino %1,4 gehiago. Tasa hori Europakoaren «oso gainerik» dagoela dio ELA (%5,8 handiagoa dela nabarmendu du).

Egindako kontratuen kopurua murritzut egin da

Aurtengo aurreneko hiru hilabeteetan egindako kontratu kopurua murritzut egin da Araban, Bizkaian eta Gipuzkoan, iragan urteko datuekin alderatuz. ELAren txostenak dioenez, 6.955 kontratu gutxiago egin dira aurtengoan. Gainera, egindako kontratuen «gehiengo handiena» behin-behinekoa izan da, ELAren hitzetan. «Arabako, Bizkaiko, Gipuzkoako eta Nafarroako datuak batuz gero, 207.443 kontratu egin dira hiru hilabeteetan. Horietatik 2.359 soilik izan dira mugabeak», dio.



EGUNKARIA
Egindako lan kontratuen kopurua jaitsi egin dela dio ELAk.

Egoera ekonomikoari begira, Arabako, Bizkaiko eta Gipuzkoako Barne Produktu Gordina aurreko hiruhilekoetan baino gutxiago igo dela jasotzen du ELAk bere txostenean. %3koa izan da hazkundera, sindikatuaren arabera, baina «eskura ditugun datuek hazkundera egonkortzen ari dela erakusten dute».

Inflazioari dagokionez, berriz, urteko aurreneko hilabeteetan prezioak «nabarmen» garestitu direla ohartarazten du ELAk bere txostenean, 2001eko azken hilabeteetan baino %0,8 gehiago. Iazko aurreneko hiruhilekoarekin alderatuz, berriz, %3,1 garestitu ziren prezioak.



FONDO SOCIAL EUROPEO
EUROPAKO GIZARTE FONDOA



Bizkaiko Foru
Aldundia
Lan eta Trebakuntza
Saila

Diputación Foral
de Bizkaia
Departamento de Empleo
y Formación

Enpresa sustatzaileentzako hasierako trebakuntza

Helburuak

Enpresa-asmoak mugatu, ebaluatu eta behar bezala bideratzeko behar diren argibideak, trebakuntza-metodologia eta laguntza profesionala ematea.

Edukia

Trebakuntzako/informaziozko orientazio praktikoa enpresa-asmoak ebaluatzeko. 8 ordu iraungo du gehienez.

Hartzaileak

Enpresa-proiektuak edo asmoak dituzten pertsonak eta hasierako ekitaldietan orientabideak behar dituztenak.

Datak

III. EDIZIOA Eskararak: 2002ko maiatzaren 15era arte.
Emanaldia: 2002ko maiatzaren 21, 22 eta 23an.

Ordutegia 18:00tik 21:00ra.

Eskara-eredua eta argibideak

Lan eta Trebakuntza Saila: Obispo Orueta, 6
48009 Bilbo
Tel.: 94 420 73 00

Foru Diputakua

LABURAREN

Gipuzkoako Azkar garraio enpresak 23,15 milioi euroko irabaziak izan zituen iaz

Gipuzkoako Azkar garraio enpresak, zergak kenduta, 23,15 milioi euroko irabaziak izan zituen iaz. Akziodunen Batzarra egin zuten atzo enpresa horretako kideek, Lazkaon, eta 5,84 milioi euro akziodunen dibidendua ordaintzeko erabiltzea erabaki zuten. Akzioa 0,12 euro ordainduko dituzte. Beste 17,31 milioi euro borondatezko erreserbarako gordeko dituzke Azkarreko arduradunek. Erabakiok hartzeaz gain, Luis Fernandez Somoza Administrazio Kontseiluko presidente hautatu zuten berriz atzoko batzarrean.

Bermeoko Conservas Isabel lantegiak ateak itxi ditu 85 urte martxan egon ostean

85 urtez martxan egon ostean, Bermeoko Conservas Isabel lantegiak bere ateak itxi ditu. Lantegi horren jabe den Conservas Garavilla enpresak bertako ekoizpena Mundakako poligono berriago batera eramatea erabaki du, «Bermeokoa zaharkituta gelditu baita», zuzendaritzatik dioenez. Lantegi berriak hozkailu «modernoagoak» izango dituela gaineratu dute.

AEBetako ekoizpenak izandako susperraldia zalantzan jarri du Alan Greenspanek

AEBetako Erreserba Federa-ko presidente Alan Greenspanek herrialde hartako ekoizpenak izandako susperraldiaren inguruan zalantzak agertu berri ditu. Indartze handia izan du ekoizpenak azken hilabeteetan, %7koa, «baina ezin dugu jakin hemendik aurrera ekoizpenaren hazkundera zenbatekoa izango den. Zalantzak badaude oraindik», esan du Greenspanek.

Debabarreneko hainbat udalek lanpostu gehiago sortzeko teknologia berriak sustatuko dituzte

Europako Batasunaren EQUAL programan parte hartuko dute Debabarreneko hainbat udalek. Programa horrek lana aurkitzeko bide gisa teknologia berriak sustatzeko helburua du. Debabarreneko Garapenerako elkarte Degesak zuzenduko du proiektu hori, eta Deba, Eibar, Elgoibar, Ermua, Mallabia, Mendaro, Mutriku eta Soraluzeko udalek hartuko dute parte. Hiru milioi euroko aurrekontua izango du proiektuak, eta aipatutako udalez gain, Bizkaiko eta Arabako foru aldundiek ere finantzatzeko dute.

SPRI

INBERTSIOAK FINANTZATZEKO LAGUNTZAK

Programa

GAUZATU INDUSTRIA



EUSKO JAURLARITZA
GOBIERNO VASCO

INDUSTRIA, MERKATARITZA
ETA TURISMO SAILA
DEPARTAMENTO DE INDUSTRIA,
COMERCIO Y TURISMO

NORI ZUZENDUA:

Erauzketan, eraldaketan eta horiekin lotutako zerbitzu teknikoetan diharduten ETEak eta informazioaren eta komunikazioen gizaritaren eremuan kokatutako ETEak, honako baldintzak betetzen dituztenak: oinarri teknologiko eta/edo berritzailekotzat jotzen direnak izatea eta kaltetutako zonaldeetan (Nerbioi Ibaia-eren ertzetan edo Pasaia-ko Badian) kokatzen direnak izatea.

BALDINTZAK:

36 hilabeteetan gutxienez 120.202,42 euroko inbertsioak egitea eta 5 enplegu sortzea.

LAGUNTZAK:

Inbertsio lagungarriaren %30 arteko aurrerakin itzulgarriak, AFI programako (inbertsioak finantzatzeko kreditu hobarituak) laguntzekin bateragarri direnak.

ESKABIDEAK AURKEZTEKO EPEA:

2002ko ekainaren 28ra arte

ARAUDIA:

2002.3.12ko erresoluzioa. 2002.318ko EHAA • www.ergintza.net

INFORMAZIOA:

Telefona: 94 403 70 56 • Lourdes San Juan • E-maila: lsanjuan@spri.es